

洞真太上八素真經修習功業妙訣

太極四真人 請問太上大道君曰 受法傳經 言聞之矣 修習

階漸 緣何始乎

道君曰 初學之儔 奉經治寫別室几案 晨夜香燈供養存神 朝夕禮拜所受 高上隨緣行之 科法有異 各在經中 或應自口 在乎其人 受學不事朝禮 即犯毀辱屢至 功行不興 必願成真 勿忘朝禮 因緣有礙 日夕不恒 良晨不虧 自有感效 重為子言之 審付其人也 真人稽首 受命奉行

凡習功業 精尋經誥 受持要戒 諳誦在心 心存意解 行之不疑 不懈不退 精進日新 隨世教化 依時行藏 三洞諸經 更互出沒 順運濟急 勿強違緣 應用高低 不可抑絕 緣宜上下 不可棄捐 當須得中 不可閉塞而強通 通而苟塞 上下及中 顛倒違逆 皆有災考 不可不詳 大運和時 品依次第 不和之日 各受少分 深淺多少 不得違階 超越由緣

洞真太上八素真經修習功業妙訣

清微藏書閣

慎勿乖運 精心期真 嚴持戒耳

齋法有十戒

一者 不得食含血之物 有生炁并薰卒之屬 唯菜非向生之月得食之

二者 平旦啜粥 日中則食 自是之後 有甘肥美味 一切不得復饗 晝則燒香 夜則然燈 燒香不乏須臾 坐起臥息不離法則

三者 棄寫因緣 唯道是務
四者 思經念誡 洗心精進
五者 慈孝一切 愍念悲窮 開示生道 以勸愚民

六者 悔謝罪過 求乞生活
七者 委捨榮華 所寶在道
八者 勞身苦體 為道驅使
九者 願除眾痛 十苦八難 免度厄世 為太平種民
十者 尊道貴德 心口相副 洗心精進 志求仙儔 承受經戒 不敢虧違 昇度之日 與道合同

高上科曰 監齋法師 從齋之官 誦經行道 上高座讀經一千言 聽得一飲 不在不誦之例 此一條出 四極明科 中篇

高上科曰 夫受星宿正治 及奉受三寶經法 洞真玄經之法

拜署齋法之後 悉應受法難五戒 而不受此五戒者 不得參同齋官

續錄之例 并受真契三一 真一以上 又不受法難五戒者 不得列

名上宮 又不得表奏星宿大章 若未受而奏章 仙都無名 露章不

被奏御 所以爾者 既無法軌 身不清廉 是故不為奏御 又且星

宿之官 不受未戒不廉之師奏事 故有大小科戒之法 明各依承

凡齋有五種之格 如左

第一 救急治病 承用天師旨教法 入三元方謝 乞生丐活 自

縛泥額 塗炭之法 並在旨教之中

第二 靈寶梵行 集賢觀化 修身種福之法 其中又有生死謝罪

責己思愆之法

第三 上清仙隱 為七世先亡遷昇之齋 亦隨月修直 善行之法

第四 真一守寂 思神吞炁 導引之齋

第五 太一神丹 宜祭爐火金液之法 閉房經月之齋 其別隱靜

洞真太上八素真經修習功業妙訣

清微藏書閣

養神續命 清詠長齋 不在五條之例

又道士 祭酒 男女官 已參受真契 并受上清三洞之經 及

星宿治法 為道欲得標名玄都 奏御旨聞 當受玄都法難五戒 其

戒文如左

第一戒 不得不敬於天 不得謂天無神 呼地無鬼

不得輕慢地祇山川大澤 而穿鑿無忌 是謂天地無靈

罪犯無畏 又不得教令人輕慢天地 謂無神鬼

犯此一戒 奪天筭三百 一犯此過 減壽七年 格事七年 責

己思愆 立功補過 有殊於先 伏誓三通 然後啟復先位 計功續

命 道不負人

第二戒 不得殺害眾生 探巢破卵

又不得教令人殺害眾生 探巢破卵

犯此一戒 奪天筭一百六十 一犯此過 減壽五年 格事五年

責己思愆 立功補過 清善至到 有殊於先 伏誓三通 然後啟

復先位 計功續命 道不負人

第三戒 不得行欺巧竊盜 貪心恣惡 規圖人物 奪人志願

又不得教令人為巧竊 貪圖人物 奪人所愛
犯此一戒 奪天筭一百二十 一犯減壽四年 格事四年 責己
思愆 積功補德 有殊於先 然後伏誓三通 啟復先位 計功續命
道不負人

第四戒 不得飲酒 外淫略他婦女 淫通不道 因公行私 又不
得教令人飲酒歡妻 略他子女 淫通不道 因公行私

犯此一戒 奪天筭一百二十 一犯此過 減壽四年 格事四年
思愆責己 立功補過 有殊於先 然後伏誓三通 啟復先位 計

功續命 道不負人

第五戒 不得詛佞嫉毒 妒妬無道 讒害善人 熾燒人舍 又不
得教令人詛佞嫉毒 妒妬無道 讒害善人 熾燒人舍
破人門戶 以報怨仇

犯此一戒 奪天筭一百二十 一犯此過 減壽三年 格事三年
責己思愆 立功自補 功德有殊於先 然後伏誓三通 啟復先位

計功續命 道不負人

其為道士 祭酒 不受法戒 不慎道行 犯諸法禁 拜表上章

洞真太上八素真經修習功業妙訣

清微藏書閣

既自不聞 至於救解往往無驗 皆是為道無有法軌 淪逮酒肉之考
不慎之至 自從三聖昇化之後 真科沉隱 累遭天地鄙烈 法科
零落 舊章不存 縱使祭酒未受法戒 錄籍之上已為總忌 自頃常
慎上章 先後云云紛互 天曹不覺驗效者甚多 百中誤有一效 皆
是善民告乞 感徹丹善之至 天帝直為擁護 開許所奏 全在性命
示 功不在奏章祭酒 而愚癡師輩 或因承吉善之民感徹之心 旁
此一效 以為己功 便恐動百姓 求欲非一 不知吞藏之咎 已被
糾奏 削其生名 減其壽命 不久奄而至 以小愆目下未即考病
便謂天地寥廓 無校小漏 或中有小功 申延其考愆 目轉多延
不加小考者 併其臟漏罪大 在驅除之例示 必減之後 方付刀山
劍樹之楚 故不數加小考 愚人不知 謂為罪不即被考病 謂天地
許之縱恣 又云上天漫漫 不簡小愆 故無考咎 大以專愚推之通
日愆咎 轉謂天地無神 有戒之者 專虛妄示 不知已在驅除之例
奄至不期也 天之昭昭 其可欺也 愚人無知 謂道為輕 吾念
之痛心 明各詳慎為善 勿為貪濁 罪坐不輕也

高上科曰 道士 祭酒男女 受真至法 并受上法寶經 星宿

正治 位次真一以上 并伏法受真好向之賢 亦不可不參受法難五
戒 及因緣大戒 既受至法 不受此五戒 名故不上仙都丹簡 墨
錄玉曆無名 三官白籍鬼名不除 滅度之後故為下鬼 魂不得仙
考對無已 殃及子孫 其道民別有精誠否泰之驗 不在此條中 紀
在墨錄上篇後也

高上科曰 夫學道宜精勤 立功補過 以贖先亡七祖罪請 并
又為家門及一身進上仙名 去離十苦八難之中 當受法難五戒 立
功建德 求上名仙都玉曆 削除三官白簿死籍 汝等為道徒 受大
法內外真契 積歷年載 而用行不合自然 又不受法難五戒 身犯
酒肉貪穢 道行無法 故犯愆惡 亡筭減命 死為下鬼 不免刀山
劍樹之楚 塗酷之心 為之痛心痛心 汝曹為道 明依法戒 奉行
三年不倦 剋獲延年 天筭加益 天曹一年三考墨錄 計功益筭紀
司命奏上 分別善惡 即度功德著左契 犯惡非度著右契 事有
炳然 道不負人 但人信真者少 罪法犯戒者多 故罹罪坐愆爾
明各慎之 慎之為善
凡為道士 祭酒 男女官 受真法 請求仙度 延續生命 并

洞真太上八素真經修習功業妙訣

清微藏書閣

行戒法 立功補過 醫治百姓 表章旨御者 當由修練齋直 奉受
法戒 不違科制 舉向從願 計功昇度 祿壽不訾也
高上科曰 其有出自貴分 雖不受此戒之文 用行已合自然
不須復受科戒 自古及今多有此人 然今時百中獲有一耳 不可准
以為例 要標其德行合科戒者 自非抗志絕尚之人 故須科戒成生
道業 如此不可不宣告戒制也

高上科曰 凡欲學道求真 於世立功建德 紀名上天 昇度仙
官者 當受法難五戒 依法戒行道三年 功立真名 然後表上仙都
紀在丹簡 上諱玉曆 仙籍名立 司命宣敕五嶽 告下三官 紀
知真人 削減三官死籍白簿 除去鬼名 然後正可得為修學道士
祭酒爾 如此真名勤在仙都 所奏無不徹聞 既不受戒 又不精苦
仙都無有功名 表章啟奏悉備停奏 是為道行無聞 徒損民人敬
向紙筆 香油之費 更受吞藏酒肉之考 魂神常被訟對 凡向不利
或有冒法未被考坐 或是卷首三官未有死籍 常見好事 惡事未
至者 或是宿有冤對 考官故迷其心 罪并重論 故不被小考 近
使臟滿 併入驅除天終之也 豈不痛哉痛哉 始學道士 祭酒 男

女官 汝曹欲修命 清苦求真 并制鬼治病 立有驗效 為百姓所
崇 當受法難五戒 既受戒 仙都便以紀名 修勤三年 不犯法目
司命列奉 上白天帝 紀名玉曆 便 受真人之散號 能制鬼治
病 無不明效 如此之善 可不修乎
道士 祭酒 男女官 欲修學制鬼治病 當受太上中臺成生五
戒 既受此戒 仙都正位 丹簡有錄 功勤三年 標名上勒玉曆
天帝曹即考校功勤 勒山川五岳四瀆三官錄紀 知汝曹精進積感之
功 名標玄都天神 玄都地祇所欽 百鬼所伏 救治表奏上達 汝
曹徒受中外大事 真一之妙 不受法難 不慎五戒 則仙都無位
玉曆無名 身受祭酒藏穢之罪 五岳四瀆三官鬼神所不敬畏 章奏
寢楡不被呈御 坐其好走里巷 貪濁毀辱 不知改忤 違科犯忌
司命隨事糾奏 減奪壽筭 既為人師 冒法小事 不足數考 蒙其
知悔 故并之重論 今人愚癡 謂為愆目下未病 便言天地不知其
罪 又云無神 不知陰考已奏 既有冤對小事 故不數奏者 欲積
其臟滿 併在驅除之例爾 如此死名已定 不復小考 奄被大除
夭折當世 不終三壽 罪目兼重 復加刀山火霍之楚 死為下鬼

洞真太上八素真經修習功業妙訣

清微藏書閣

長被痛毒 當可言乎 汝輩受真 外欲立功救治 欲練氣三元 養
神續命 當訪求明師 奉行法戒 勿貪酒肉 沉湎相逐不軌之事
過無大小 悉受糾奏 唯晨夕齋直 積功補過 仰希玄澤 停年住
考爾 如此延續性命 還其年筭 與之更始 功過相補 細而不漏
汝曹明各慎之 慎之修練 保得長在 不朽

高上科曰 道士 祭酒 男女官 汝欲修鍊太清神丹 并練三
元牝牡之術 冥身山澤 思仙養志者 先受成生五戒 又經七試九
鍊 摧性忍弱 被人凌辱 不以怨恥者 又不以外想邪心 靜神專
一者 又當忍受饑寒 委辱不恚不墜者 又當積勤立功廣大 濟度
厄急 拔度死命 受更生之始者 又當簞食精苦 陰德廣著 天未
報功 不敢希望者 勳義感徹 積勤之大 身嬰困弊 遠近無問
不敢自悼者 弘惠流布 更被曲辱 不以為害 皆此智德大矣 其
德有五 自非冥心篤好 不能立此行也 是故有五德之號 其至甚
重大矣哉

學道積年 乃經十折九辱 穢惡橫加 猶懷慊恪忍弱之仁 此
為一智

強行廣博 好尚內外 導養三元 五神不傷 邁而不衰 容色
不悴 是為有恆 其為二智
尚修不退 周流八方 一清一沉 一濁一浮 勤功世間 不紀
不名 積德不已 敢以為勞 其為三智
陰結藥氣 含德養性 展轉九年 中至二十四年 上至三十二
年 積苦效勤 而橫被曲折 愍念不計 恬靖自居 恆無功可紀
更懷憂切 其智四矣
為道既無世功相及 少修師教 伏勤師門 而中遭禍構 散蕩
弊真 經十折萬忍 猶懷頤頤 不斲於口 其智五也
高上科曰 凡人學道 守心貞一 施行善篤 終未感悟 又經
歷七試九折 心無恙退 奉行五戒 合於五智 不違法戒 不虧經
教 幽靜恬和 行及無為 久染風塵 曲辱不計 遭逢凶橫 叩搏
乞過 累遭輒軻 不以為恙 殊更施惠自幸 布乞於人 恆懼失先
功勤 恐宿緣深重 收致不利 有此巍巍之德 勲著曠大 不名為
勞 清淨丹苦 殊更堅恪 懼墜淵谷 不朝則夕 如此之智 真為
厚大 德行如此 正可以立道行 行之五年 恬然無欲 可得投身

洞真太上八素真經修習功業妙訣

清微藏書閣

林隱 託命巖藪 汝等求道修命 延壽人間 當先處曲室 和神養
志 導練三元 積勤專到 上感靈真 身被災咎 不求申論 曲辱
不利 歡心頤頤 不以為否 行此五戒 成生五智 道行清潔 剋
功巍巍之重 未敢希報 反更勇猛精進 常所未能相及 其功既積
何求不得 何願不合 何叩不聞 何志不成耶
高上科曰 仙有九品 術有三十六門 又有百二十禁法 皆延
生之原要 未有依科求志 苦到而不獲者乎 但患人修學無勤 思
道不專 執無恆 無有同心志契者 道安可修乎 但聞朝施暮望
輕忽正教 謂無靈感 多有慳貪構辱 淪逐酒肉之座 無志精苦於
玄元 施為混錯 罪磐於天府 魂思閉擊 考楚於地獄 未蒙判析
故宜深思自改 勤施德專 以求真明之效 有智之人 聞而行之
奉慎五戒 不亦妙乎

屬 小齋法 主人供一賢德 一日一人長錢一百 米菜茶果蜜薑之

屬 中齋 千食供 一人一日長錢二百 米菜香花燈燭茶果蜜薑之

右二件 計人請齋官 人率增之
又一條 其困病祈請齋 菜食如小齋之法
靈寶延年齋 千食隨主人供 唯不得殺生犯科爾
上清轉經清寂山林長齋 米菜服食菜食為恆 不在錢數之料
右五等如品格
太一閉房舍丹藥百日大齋法 不在錢限之例 古者盟誓金綵之
屬 今以丹青四十尺 金環一雙代之也

洞真太上八素真經修習功業妙訣竟

天運壬辰年亥月正一天師清微弟子洪鼎堅羅大英恭錄彙編

洞真太上八素真經修習功業妙訣

清微藏書閣